

# DE HYDRARGYROSI.

---

DISSERTATIO INAUGURALIS MEDICA

QUAM

CONSENSU AMPLISSIMI MEDICORUM ORDINIS

IX

UNIVERSITATE CAESAREA LITERARUM  
DORPATENSI,

PRO GRADU

DOCTORIS MEDICINAE

RITE IMPETRANDO

LOCO CONSUETO PUBLICE DEFENDET

AUCTOR

*IOANNES IACOBUS RAMBACH,*

BEROLINENSIS.



DORPATI LIVONORUM  
EX OFFICINA ACADEMICA J. C. SCHÜNMANNI.

MDCCXXXV.

**Imprimatur,**

**ea tamen conditione, ut, simulac typis excusa fuerit hæc  
dissertatio, septem exemplaria collegio, cui censura libro-  
rum mandata est, trādantur.**

**Dorpati Livonor. d. v. Decembbris MDCCXXV.**

**Dr. L. A. Struve,  
h. t. Decanus.**

PATRI OPTIMO

FRIED. EBERH. RAMBACH

DR. PH. A CONSIL. STATUS, DISCIPLINARUM, QUAE  
PERTINENT AD REM CAMERALEM, AD REDI-  
TUS ET REM MERCATORIAM P. P. O. IN UNI-  
VERSITATE CAESAR. DÖRPATENSL.

**MEC NOW**

PATRUO, CARISSIMO

AUG. IACOBO RAMBACH

MINISTRO VERBI DIVINI PRIMARIO ECCLES.

ST. MICHAELIS ET SCHOLARACHÆ  
HAMBURGENSI.

**HASCE STUDIORUM PRIMITIAS**

**D. D., D.**

**AUCTOR.**

*P r o o e m i u m.*

Officium, quo, moderante V. Cll. Dr. Struve, praeciptore a me semper colendo, in nosocomio Universitatis imperialis nostrae fungabar, occasionem mihi plures in illo receptos, aegrotos observandi praebuit, et primum animum meum ad explorandum eum morbum, de quo hae paginae loquuntur, advertit, cum isto tempore hujus generis aegri frequentiores essent, quorum etiam in hac dissertatione mentio fiet. Simul me non fugiebat, mercurialium usum saepius a scopo aberrare, si aegroti praescriptis a medico datis non

satis obedirent. Aegroti enim, qui non perpetuo aderant, sic dicti ambulatorii, quorum magna pars Syphilide laborebat, creberrime copiam mihi fecerunt, infausta, quae mercurialium usum sequuntur, mala intuendi; quippe qui, plerumque e pauperimis urbis incolis, partim perduraute morbo victum quaerere coacti, partim ex negligentia praescriptum regimen non sequerentur, quare medela, mercurialibus instituta, saepius parum successit. Interdum etiam aegroti, ob usum mercurialium jam laborantes, opem instituti petebant, qui aut jussu medicorum, aut, quod saepius accidit, suadentibus laicis, mercurio incautissime usi fuerant. Nam sicuti Syphilis morbus per vulgatus, sic etiam lippis et tonsoribus notum, mercurium esse antidotum ejus, quo fit, ut imperiti nonnulli sibi auctoritatem traditam hujus medicamentis adhibendi putent, praesertim, si, quod saepius usu venit, morbum quovis modo dissimilari optent aegroti; cui abusui eo favetur, quod in nostris regionibus pharmacopolis quaedam mercuralia, e. g. aquam phagedaenicam et unguentum neapolitanum, etiam sine medici jussu, vendere licet. Quo omnimodo respiciatur necesse est, et in votis esse debet, ut tandem lues venerea, quae per ur-

bem et regiones circumiacentes adhuc grassatur, nosocomio, huic uni morbo dicato, coercentur; quo, si legibus strictioribus pharmacopoleae et circumforanei simul cohiberentur, efficeretur, ut etiam morbus mercurialis rarius appareret. — Ex factis, a me allatis, quilibet perspiciet, hydrargyrosin, etsi non tam saepe, quod jam alii contenderunt \*), occurrit, quam vulgo putant, et olim accidebat, tamen consideratione singulari dignam esse, praesertim propter similitudinem cum lue venerea, quae tam magna est, ut facile confundantur; quae tamen permutatio perniciosissima putanda est.

Ex scriptis, nuperime de morbo mercuriali compositis, nullum nisi Mathiae \*\*) opus ad manus mihi fuit, qui pro more Anglorum, solos scriptores anglos, hanc rem tractantes, laudat; nihilominus, pro occasione mihi data, ea in usum meum convertere studui, quae in scriptis Germa-

\*) Struve über Diät - Entziehungs - und Hunger-Cur.  
Altona, 1822.

\*\*) Andreas Mathias über die Mercurialkrankheit, aus dem Engl. von Dr. H. Robbi, Leips. 1822.

norum, ad hanc rem pertinentia, mihi feliciter  
occurrebant.

Opusculum meum, cum primum auctoris spe-  
cimen sit, indulgentiae lectorum eo magis commen-  
datum esse velim.

---

## I.

### Brevis notitia historica de usu mercurii, et de morbo inde orto.

Pedacius Dioscorides, aequalis Neronis, primus fuisse fertur, qui argenti vivi mentionem faceret; educationem ejus e Zinnabari edocuit, et venenum esse putavit 1). Saeculo octavo inter Arabes in opere de Alchemia 2) Abu Mussah Dschafar al Sofi, vulgo Geber vocati, quaedam hydrargyrii praeparata, e. g. H. sublimatum corrosivum et praecipitatum rubrum, memorantur. Rhazes, scriptor saeculi decimi de hydrargyrio muriatico loquitur, praeparato ex sale coquinario et argento vivo, quo contra scabiem et alia exanthemata extrinsecus utebantur. 3)

---

1) Kurt Sprengel Versuch einer pragmat. Geschichte der Arzneikunde. Hall. 1800. 2 Bde.

2) Alchemia Gebri.

3) Sprengel l. c.

Avicenna, saec. XI. in Materia medica sua hydrargyrum sublimatum venenum acerrimum vocat, et tantummodo usui externo commendari posse putat 4). Gilbert, saec. XIII. methodum unguenti ex hydrargyrio componendi memorat, quare argentum vivum cum saliva conteri jubet 5). Eodem fere tempore Theodoricus inunctiones unguenti mercurialis contra lepram adhibuit. 6)

Contra luem venereum hydrargyrum jam exeunte saec. XV. in usum vocatum esse dicitur; medici vero non nisi maxima cum circumspectione eo uti ausi sunt; chirurgi contra, quales isto tempore erant, et circumforanei multo saepius id in auxilium verte- bant 7). Anno MDXV de efficacia metalli rursus dubitatum, ejusque usus fere plane neglectus est; confugiebant ad guajacum, sassaparillam et alia remedia, quae interdum mitigationem attulerunt. Mox autem perspectum habuerunt, his remediis malum illud prorsus sanari non posse, itaque rursus ad hydrargyrum revertebantur, quo tamen primo externe tantum in forma emplastri, unguenti vel fumigationum utebantur. —

4) Sprengel l. c.

5) Gilberti anglici compendium medicinas tam morborum universalium quam particularium non solum medicis sed et chirurgicis utilissimum, ed. Michael de Capella. Venet. 1570.

6) Sprengel l. c.

7) Widman apud Hensler exc. p. 50. — Pinctor ibid. p. 52. Almenar in Luisin. p. 564.

Petrus Andreas Mathiolus, circa annum MDXXXV degens, primus fuisse dicitur<sup>8)</sup>, qui hydrargyrium contra luem venereum interne adhiberet. Pillulae, quae per Barbarossam, principem piratarum Algerii et Tunetis, anno MDXXXVII innotuerunt, quibus etiam Franciscus I., rex Galliae, usus est, primum medicamen celebratum contra luem venereum et ex argento vivo, conrito cum terebinthina et farina, compositae erant. — Paracelsus quoque mercurium, praे reliquis medicaminibus in Syphilide commendavit<sup>9)</sup>. — Tandem usus hydrargyrii in vulgo emanavit; inventa est copia praeparatorum ejusdem et methodorum ea adhibendi, usque dum sub finem saeculi praeteriti et finitum hujus hoc metallum etiam contra alias morbos in auxilium vocaretur, compositionibus inventis melioribus, et methodo simpliciore redditus.

Mala ex parum apto usu hydrargyrii orta jam primi auctores, qui de Syphilide ejusque cura scripsérunt, non omittunt, nec tamen nisi phænomena, vehementes salivationes subsequentia, ulcera oris, lapsus dentium et similia memorant. Quibus adnumerandi sunt plures auctores saeculi XVI., quorum commentationes in collectione Luisini reperiuntur. Idem valet de scriptoribus saeculi XVII., qui tamen minus attenti scrutatores hydrargyrii esse.

8) Sprengel l. c. Bd. 3.

9) ibid.

ctuum fuisse videntur, cum evitari non potuerit, quin, pro more tunc consueto illud adhibendi, perniciosa mala sequentur. Saec. XVIII. medici cautiiores facti in adhibendo Hydrargyrio, priores methodos vituperabant et plura scripta pro hydrargyrii sublimati usu et contra composita sunt. Phaenomena etiam infausta, interdum mercurii usum comitantia non neglecta sunt, et si nondum ut propria morbi forma discernebantur, sed modo effectus simultaneus mercurii et luis venereae, modo sequela morbi alias, in corpore latentis, e. g. Scrophularum, Scorbuti, carcinomatis, hac ratione prodeuntis, judicabantur. — Saeculo XVIII extremo morbi, quem mercurius procreare potest, jam distinctius mentio facta est, ut in Kornbecki Historia morborum a mercurio excitatorum. Vienn. 1776, post in John André Observations on the theory and cure of the venereal disease. London 1779. Hecker 10) in capite singulari de morbo ex abusu hydrargyrii orto, loquitur, et Rudolph in dissertatione sua de opii in luis venereae sanatione efficacia. Erlang. 1792, luen venereum ab hydrargyrosi distinguendam esse monet, quod prius jam a Girtanner 11) factum. Anglia et praecipue Mathiae est tribuendum, quod nostris temporibus haec res denuo mota et examini subjecta est.

10) Deutliche Anweisung die venöischen Krankheiten genau zu erkennen und richtig zu behandeln. Erlang. 1792.

11) Abhandlung über die venöische Krankheit. Gött. 1788.

Etsi concedas Mashiam in investiganda hydrargyrosi  
justo longius progressum esse, eamque saepius inve-  
nire voluisse, ubi non esset, tamen adversario 12) ejus  
assentire non possum, qui fere omnes morbos, mer-  
curiales existimari solitos, pro inveterata, laryata;  
non plane sanata et immutata lue venerea haberi et  
inunctionibus recte instituendis sanari vul.

## II.

Quaedam de hydrargyrii in organismum  
humanan agendi ratione.

Si nobis hydrargyrii insignem peculiaremque,  
specificam sic dictam, in organismum nostrum agendi  
rationem, qua Syphilidem sanat, satis explicandi po-  
tentias non deesset, facile sane esset intellectu, quo-  
modo mercurius malum sibi peculiare producat. Sin  
vero reputamus sententias medicorum de hac re, quas  
omnes afferre longum nec necessarium est, evidentēr  
apparebit, nulli tot diversorum systematum, quae tria  
jam saecula inter medicos viguerunt, contingisse, ut  
interrogationem solveret, quomodo mercurius sanaret  
luem. Nēque etiam id tamdiu licebit, quamdiu igno-  
ta fuerit natura contagii syphilitici, ejusdemque in

---

12) Dr. G. Wedémeyer in Rust's Magazin für die gesammte Heilkunde. 9. Bd. 2. Heft.

corpus humanum impulsus, et quamdiu processum illum, qui materiae mutationem perpetuam perficit, non satis perspectum habuerimus. — Noli igitur, lector benevole, exspectare ab hisce plagellis remedii hujus enucleationem, quod attinet ad ejus agenti modum; hoc unum exponere conabor, quomodo aliquatenus phaenomena mercurii usum sequentia, secundum leges organismi humani, indicari queant.

Remedia nescio an non possint agere in organismum, nisi ita, ut in humores nostros recepta, hos cemmutent, quo fit ut simul mutetur formatio non minus quam actio solidorum, quorum immutatio rursum habet ad humores in organismo parandos. Ergo ne omnino caremus remediis dynamice tantum agentibus, id est, talibus, qualia organismi actiones commutare possint, materia ipsa antea non mutata? caremus sane, quippe quum remedium omnium maxime volatile efficiētiae suas phaenomena eo tantum praebeat, quod hoc vel illo modo invadat corporis materiam mutetque. — Uti consuevimus vocabulo medicaminum dynamice agentium de iis, quorum primarium, materiam commutantem effectum ignoramus, quorumque phaenomena tantum auctae, deminutae vel commutatae actionis, ex primario effectu originem trahentia, certi possunt. Haec distinguimus ab iis, quae chemice agunt, in quibus evidentius materiae mutatio, secundum leges chemicas facta, apparet. — Omnia haec ad mercurium transferre possumus; est sane hic

contagio syphilitico, si chemicam naturam spectamus, quasi oppositus; exstinguit enim et coercet virus, quod tanquam concreti quid nobis fingimus, quum natura lege convenientiae ad illum locum remedium dirigit, quo contagium vastationes protulerit. Mercurius vero dynamice quoque in organismum agit, quippe qui actiones corporis, infesto contagio ita mutatas, ut virus syphiliticum procreare conarentur, sic determinet et modificeret, ut procreatione omissa, procreatrum propulsare studeant. — Jam vero, quamvis sic nequam, quomodo mercurius luem sanet, explicetur, neque omnino, ut modo vidimus, explicari possit, tamen peculiarem hujus remedii efficientiam hanc si esse crediderimus, viam fortasse reperiemus, qua ea phænomena, mercurii usum sequentia, aliquantulum explicari possint, quae prodeunt, si specificam suam contra contagium syphiliticum non ostendat vim Mercurius.

Actiones organismi ita ergo sunt mutatae, ut virus, mercurio deleterum aut immutatum, sicuti mercurium ipsum ejicere studeant, quod assequi possunt organis secerentibus, renibus et praeceteris cute. Usus enim satis nos docuit, hac tantum conditione, ne turbentur functiones secerentes, luem mercurio sanari; contra vero si desit haec conditio, non abesse exitiosam in corpus actionem, non excedere virus ex organismo, et novum erumpere malum. — Non semper tamen, sed sub certa tantum conditione vis natu-

rae medicatrix tam facile vincitur, immo tunc quoque aliud habet effugium. Scilicet, cessante illa conditione, aut tanta ejus copia in organismum illata, ut hic secernendi via normali et naturali liberari non possit materia aliena, reactionem universalem in mercurium observare licet; febris oritur, quae aliis morbis saepissime salubris fuit. Vasorum sanguiferorum actio praecipue incitatur, qua quum omnes perficiantur secretiones, hae majore etiam cum vi, actione aucta procedent, cutis perspiratio atcta saepe mala avertit secura, aut organorum salivam secernentiuri actio excitatur, salivatio oritur vel diarrhoea salivalis.

Quid est autem, quod nos commoveat, ut salutiferum, tanquam criticum salvationis effectum statuimus? Videamus, annon hic quoque experientia facta nobis suppeditet, unde pateat, talē sententiam sine temeritate proponi posse. Chemia analytica de hac re certius nos edoceret, in saliva salivantium mercurio ostendendo; sed ad hunc nondum perfectionis gradum pervenit, ut substantiae, in corpus illatae, et quo processu nescimus mirifice mutatae, illa adjuvante, manifestentur in secreta corporis. Attamen ut experimentis, quae mercurio et pure syphilitico, in chemico catillo commixtis, instituta sunt, ne quisquam vis remedii in morbum venereum demonstratur, ita etiam non est, quod, ubi mercurius in saliva, exhibitis reagentibus, non investigetur, praesentiam ejus, experientia repugnante, omnino negemus. Hac autem

edocti scimus, salivam salivantium odorem spargere metallicum, mercurialem, eumque ex certis partibus praecipue orientem; cognovimus, vel afflatu salivantium in oris cavitate aliorum, adhuc sanorum, ulcera mercurialibus simillima gigni; cognovimus, in nosocomio, quo aegroti currentur, in quibus salivatio mercurio fuerit excitata, in alias quoque hanc transferri. Unde porro acris corrodendi vis salivae, quem in cavitatem oris, et devorata, in totum exercet tractum intestinorum? Unde iniqua illa, quae suppressionem salvationis sequentia, videmus? 1) Experientia denique comprobatur opinio nostra, quippe quum, qui febre mercuriali et salvatione vexantur, rarissime, et tunc tantum, si mercurius maxima in copia incaute adhibitus fuerit, malo mercuriali corripiantur; contra vero scriptores 2) constitutionem nonnullorum certam nominant, qua praesente, nullus omnino specificus mercurii effectus in organa secernentia, praecipue in glandulas salivales, cernebatur, ideoque etiam curatio syphilitidis perdifficilis erat, facilimeque hydrargyrosis exoriebatur. — Negari quidem non potest, dosi mercurii interdum parva salvationem jam excitari et tum haud necessariam videri remedii remotionem, sed singularem, qua mercurio quidam afficiantur,

---

1) Mathias l. c. 210.

2) ibid. 95. — Joh. A. Schmidt Vorlesungen über die syphilitischen Krankheiten und ihre Gestalten. Wien 1812.

rationem hic respiciamus necesse est. Sunt enim non pauci, quibus insita esse videatur Idiosyncrasia quedam contra mercurium et tanta quidem, ut vel minimae doses acriter nec aliter ac venena in Organismum regant, quibus ut liberaretur corpus, quovis modo laborat, nausea oritur, vomitus, diarrhoea vel salivatio. Huc pertinent, quae Schmidt 3) adnotavit, de vario modo, quo mercurium recipient cutis, intestina et glandulae salivales, quae modo parva jam mercurii dosi corripiuntur, modo nulla ratione excitari possint; tunc vero alia in conspectum veniunt phaenomena periculosa. — Omnes consentiunt, ubi singulares ob causas mature jam excitata fuerit salivatio, curationem syphilidis multo difficiliorem esse.

Neque vero, quum hanc defendeo sententiam, salivationem salutiferum esse conatum ad noxias materias removendas, is sum, qui amplectar vulgarem olim apud medicos opinionem, salivationem necessariam esse ad luem sanandam et sumimum curationis finem. Certe nos non fugit, naturam tunc tantum hanc, ad removendam vim noxiā, eligere viam, quum impediatur, quominus idem perficiat alia via, faciliore et innoxia. Salivationem non nisi magna mercenrii copia corpori tradita, et rerum cutisque actione turbata, ori experti sumus; praeterea cognitum habemus, calore praecocem impetum in organa

salivalia, in iis etiam, qui propter habitum corporis salivationi maxime obnoxii sint, retardari. Quodsi respexerimus curandi modum, quem medici antiquioris aetatis, morbo syphilitico curando necessarium putabant, quo syphilis non solum non funditus semper extinguebatur, sed, magna salivae jactura, nutrimentorum penturia, doloribus, agrypnia etc. varii morbi efformabantur asthenici, sat superque elucebit, nec utique necessarium nec utile esse, ad luem sanandam, et mercurium e corpore removendum, ut organa salivalia affiantur. — Quamquam altera ex parte cavebitus, ne modum excedamus et iis assentiamur, qui irritationem organorum salivarium vitandam esse putant; negari enim nullo pacto potest, sub certis conditionibus, in certis hominibus salivatione mala averti majora; negari nequit, certas syphilidis formas non repelli, priusquam organismi universalis reactio in mercurium et prodromi excitatae salivationis appareant. Medicus igitur ad luem sanandam, non debet prorsus necessarium existimare salivationem, sed prodromos ejus criteria habere universalis mercurii actionis in organismum; tum vero eliminationem, quam natura coacta perficeret salivatione, in alia organa seceruentia, quorum irritatio minus perniciosa sit corpori, transferre studebit; quod si minus successerit, naturam gubernetur medicus, ne cunctus ipsius salubres a via recta aberrent.

Haec mihi praemittenda videbantur, priusquam

illa afferri possunt symptomata, quae a mercurio, si specificam suam contra luem venereum non exercuerit vim, aut, morbo syphilitico sublato, in corpore remanserit, inimiceque denuo in illud egerit, procreari solent; hic etiam agendi modum mercurii explicare non possumus, apparet vero hic quoque ille specifice agens, quippe quum nulla alia cognita sit materia, quae, corpori illata, tale malum progignere possit. Quodsi mercurius secretionibus, quibus removeri debuit, turbatis, aut ob causas externas, aut copia nimis magna percepta, nihil in contagium syphiliticum agens in corpore retineatur, tum partim remedium hocce in iis loqis, in quibus natura ex illo fructum capere voluerit, ad aliud quoddam extingendum virus, curationem, fortasse jam inceptam, impediet, ac mala gravissima excitabit, partim in humores receptum hos sua quadam ratione commutabit; eoque vim organismi productivam in discrimen vocabit, et tam singulari morbo afficiet, ut natura nec mutationibus, quas mercurius procreare studet, observere, nec mercurium ipsum removere possit. Ut vero nullum systhema partium corporis humani ita ab aliis sejunctum cogitari potest, ut solum per se agat et patiatur, ita hic quoque systhema irritabile et sensibile simul cum mutata reproductione morbo corripientur; humorum resolutione nata debilitas et diminuta solidorum cohaerentia, illorum rursus commutationes et parit et conservat; status denique oritur

scorbuticus. Systematicis nervorum actio penitus laeditur, unde debilitatis symptomata, tremor, paralysis etc. oriuntur. Quae cum ita sint, restitutio etiam et regeneratio materiae, quum nutritionis organa turbata sint, impeditur, quo fit, ut organismus in integritate sua non amplius permaneat et magis magisque, exstinctis et destructis organis nonnullis, febre hectica conficiatur.

Jam vero jure quaeri potest, utrum omnia, quae in hydrargyrosi apparent, phaenomena, ex noxia tantum mercurii vi manent, an contagio syphilitico etiam culpa attribuenda sit. Docet enim experientia mercurium saepe statim, antequam virus venereum diruerit, phaenomena noxia sua peculiaria monstrare. Nunc quaerendum est, virusne syphiliticum tum agat in corpore, an, a mercurio quasi oppressum, quiescat, et remoto mercurio rursus appareat? Assentiri non possum priorum quorundam medicorum sententiae, qui, cum peculiarem morbum, quem mercurius progignere potest, ignorant, periculosissima phaenomena, luem comitantia, ex actione sociata luis et hydrargyri explicate studuerunt. Pro hac sententia hoc unum afferri potest, quod utrumque virus simul existat in corpore, id quod, ut iam prius dictum, negari nequit. Quaedam autem observationes verisimile reddunt, contagium syphiliticum, mercurio vi sua privatum, quasi oppressum in corpore quiescere reperimus enim phaenomena venerea, mer-

curialem naturam prae se ferentia, remota causa hu-  
jus, denuo pristinam formam recipere et rursus mer-  
curii opem postulare. Sic Wendtius<sup>4)</sup> de aegroto loqui-  
tur, qui, post usum hydrargyrii, parum convenientem,  
**omnes dentes** amiserit, Syphilide nihilominus rema-  
nente, quae duobus demum annis post curationi  
mercuriali convenienti et cautae cesserit. Porro sae-  
pius hydrargyrosis, luè venerea jam plane sanata, ap-  
paret, neque tunc, hac sublata, novum malum in con-  
spectum venit. Eodem pertinent observationes, secun-  
dum quas hydrargyrosis alios quoque morbos, non sy-  
philiticos, sèquebatur. Et quid impedit, / quae so-  
lo minus virus venereum et mercuriale in corpore  
una adsint, nec tamen necessario utrumque vim suam  
exerceat, cum similia in aliis morbis contagiosis re-  
periuntur? Loquuntur enim scriptores de infantibus,  
quibus variolae insertae erant, et qui simul a morbilli-  
bus corripiebantur, ubi tum demum, quum morbilli  
decursum suum peregissent, variolae apparuere<sup>5)</sup>.

### III.

#### De morbo mercuriali in genere.

**Hydrargyrii praeparata, ad morbum aliquem**

4) Die Lustseuche in allen ihren Richtungen und Formen  
v. Dr. Joh. Wendt. Breslau 1825. 298.

5) Reil Cur der Fieber. B. 5.

sanandum, organismo humano illata, certis quibusdam conditionibus, ipse statum morbosum corporis permaneutein, quem morbum mercuriale vocamus, procreare possunt. Quod malum, cum plerumque soleat usum mercurii in morbis venereis sequi, in aliis vero non nisi per raro huc usque observatum sit, meum etiam studium tantummodo in eo versabitur, ut morbum illum, potissimum quatenus ad luem referatur antegressum, describam.

Negari non potest hujus morbi diagnosin multas habere et maximas difficultates, partim quod tantam prae se fert cum illo morbo, ad quem sanandum adhibetur mercurius, similitudinem, partim quod, eodem non sublato, jam apparet ipse aut certe radice agit. Quo fit, ut saepenumero morbi forma adeo sit implicita, ut phaenomena ejus curandi regulam firmam nobis praebere non possint, nisi praeteritas simul respiciamus res, et potius id, quod pejus est, malum inercuriale praesens, statuamus; tunc enim semper nobis permanebit firmum criterium, utrum, mercurio omisso, aggravescat malum, necne. — Spero fore ut, si, descripta primum morbi natura in genere, et pluribus positis gradibus, localium affectionum formas singulatim tractavero, claram quandam morbi imaginem componere mihi contingat.

Morbus mercurialis, dum oritur, id unum nobis diagnosticum adfert momentum, quod, continuante per certum temporis spatium, — quod quidem in ge-

nere constitui non potest, — mercurii usu, incipiens jam fortasse luis formarum sanatio procedere desinit, vel plane non incipit, immo vero status deterior exoritur, siquidem, quod saepe fieri solet, mercurii usus continuatur, dum impeditae sanationis causa praeparati, in usum vocati, inertiae adscribitur, aliudque adhibetur. In quo tamen distinguendum, utrum mercurius jam vim habuerit in totum organismum et in glandulas salivales, necne; quam si habuerit, mercuriale aliquod malum haud facile orietur, quandoquidem haec ipsa phaenomena causae remotionem adjuvant, ac praesertim cum medicum jam satis ad remedii hujusce usum intermittendum admoneant. Sublatis demum illis phaenomenis, tum morbi decurus, tum novum adhibendi mercurii periculum doccebunt, utrum localibus, quae adhuc supersint, affectionibus, venerea insit an mercurialis natura. Sin vero nulla est, quae medici curam dirigat, nec febris, nec salivatio, aut si ipse minus attento animo ulcerum formam etc. observat, hydrargyrosis ex primo hocce stadio, in quo mercurium submovere externaque apte ordinare sufficisset ad malum modo natum extinguendum, saepe ab ipso medico in secundum transfertur stadium.

In hoc stadio malum certis quibusdam phaenomenis jam evidentius distingui poterit, quorum praecipua postea singula exponam; hic autem in genere tantum eorum mentionem faciam, magisque illud

illud quæquam, quis sit eodem tempore totius organismi status.

Quae adhuc perdurant luis mala, continuato mercurii usu, indies pejora redduntur, aut jam sanata denuo apparent. Atque ita omnes luis formæ, ulceræ genitalium, bubones, ulceræ oris et fauicium ossium tumores, exanthemata, rursus possunt ita erumpere, ut mercuriale formam induant. Dicuntur etiam gonorrhœae jam sanatae reuovari et chronicum acquirere decursum; itemque testiculi glandulaeque scirrhosa in cancrosa verti ulceræ. — Ac tum quidem universum affectum esse organismum phaenomenis quibusdam elucebit, initio quidem lassitudine, aegritudine, laesa digestione, deinde proprio quodam aegroti habitu, jure mereuriali vocato, quem cognoscimus ex oculorum, profundius in orbitam recedentium, quasi squalido nitore, ex annulo cæruleo et tumescente, qui palpebram circumdat inferiorem; simul genarum macies, nasus acutus, labia et gingiva pallida vel subcaerulea reperiuntur. Schmidt 1), qui praecipue ea animadvertisit, annotat etiam, faciem albo rubroque colore praeditam, qualis flavorum solet hominum esse, squalidum pallidumque, sicut subfuscum lividum, et luridum flavidum induere calorem. — Observantur porro gustus quasi metalli cujusdam, cupri, vel aceti diu in vasibus

cupreis servati 2), thedium porro, dysphagia, cum inferioris maxillae immobilitate saepe conjuncta, dolor in ore acerbus quasi pungens; simul dentes obtusi, instabiles et longiores quasi redduntur, et sicut gingiva cano quodam et tenaci obducuntur muco. Digestio magis magisque perturbatur, deest appetitus, et vel diarrhoea, copiosa acri serosi humoris excretio, apparet, vel illa cum alvo adstricta alternat. Quo quidem nutritio valde impediatur necesse est, ita ut aegrotum omnes paulatim vires deficiant, quod partim etiam haemorrhagiis, dissolutione humorum facile orientibus, efficitur. Huc accedit status organismi maxime sensibilis, praecipue atmosphaerae mutationibus obnoxius, unde refrigerationis periculum, in usu jam mercurii contra syphilidem auctum, hic magis etiam timendum est, quo fit, ut febres et singularum organorum inflammationes tam facile exoriuntur; vel, quod saepius accidit, febris jam ab initio cum morbo conjuncta est, indolem maxime erethisticae praefere ferens, mercurii stimulo procreata.

Est summus morbi gradus, stadiumque ejus ultimum, si ad supra memorata phaenomena, magis magisque ingravescientia, febris accedit hectica. Augentur indies infirmitas, aegroti tremorem et plumbeam quasi gravitatem sentiunt in omnibus membris, vexantur capitis dolore, spasmis, aliisque nervorum affectio-

nibūs, morsī sunt, atque acerbissimis cruciati doloribus, noctes pervagilant; calore, horripilationibus interrupto, et oris siccitate, siti, pulsu frequenti et parvo, ac sudoribus colliquativis febris hectica significatur. Pedes simul oedematosi intumescunt, et singularum etiam cavitatum hydropses, vel aliae cachexiae, e. g. icterus oriuntur; defluunt capilli, cadunt dentes, et non raro paralyses, e. g. amaurosis, nascentur.

Omnis, qui tractaverunt hanc rem, id esse praeципue in morbi diagnosi respiciendum dicunt, quod omnia illa, quae modo memoravimus, mala vel minima mercurii dosi deteriora redduntur; quod quidem indicium, quamquam non nisi aegroti damage rectam nobis ostendit viam, tamen imp̄mis respiciendum est. Constat enim, perm̄ltos esse medicos, qui, quocunque ulcus in suspecto quodam corporis loco appareat, ad luem pertinere credentes, ad mercurium statim adhibendum parati sint; atque saepius fieri potest, ut aegrotus, medico, cuius curatione male suo se non liberatum sentiat, diffisus, aliud quendam arcessat, qui, cum malum prioria medicamentis successum ex certi cujusdam mercurialis, quod ipse minus approbat, praeparati usu, profectum esse existimet, suam mercurii contra syphilidem adhibendi rationem omnium praestantissimam ratu, hanc ipsam nunc quoque experiendam esse putat. Tuus tane phaenomenorum, mercurii usum sequentium,

depravatio, incautissimo etiam medico, quanam in re peccatum fuerit, indicabit. Valet idem diagnosticum ex nocentibus, quando prior mercurii usus medico celatur.

Nescio an sint, qui in hac nostra morbi mercurialis diagnosis nullam salivationis, eorumque, quae ad ipsam pertinent, symptomatum, in affectis oris partibus apparentium, mentionem esse factam vituperent. Sed salivatio symptomatibus, huic morbo propriis, adnumeranda non est, quippe cum, quod jam diximus, experientia edicti sciamus, hydrargyrosinum, quum nulla praeierit salivatio, praesertim apparere. Posse tamen, praesente etiam salivatione, malum illud oriri, negare quidem haud licet. Tum vero tanta jam mercurii copia in corpus intravit, ut hac via se eo liberare natura nequeat, utque ille, organismo affecto, propriam suam morbi formam efficiat. Quo facto salivatio, si diutius adfuerat, omnino non jam mercurio alitur, neque enim natura ita eum immutare potest, ut eundem emittere queat cujusdam secretionum suarum ope, quippe quae omni in metallo potestate sit destituta; sed tum potius eadem causa continuatur salivatio, qua alias quoque secretiones, irritamento aliquo auctas, etiam sublato hoc, continuari videmus, aliqua organorum salivam secernentium, nimis irritatorum, imbecillitate. Neque igitur eorum opinioni repugno, qui in salivatione inesse quoddam ad removendum mercurium momentum, si pro veritate ne eos quidem praetereo casua, ubi

malum mercuriale, praegressa vel adhuc praesente salivatione, nascitur. — Nequaquam autem iis assentiri possum, qui praegressam salvationem ut momentum diagnosticum hydrargyrosis afferunt, ut Haase<sup>2)</sup>, qui sic de morbo mercuriali loquitur.

„Leicht sind freylich diese Zufälle mit denen einer im hohen Grade ausgebildeten Lues zu verwechseln. Doch die genaue Ausmittelung des Causalments, und der Umstand, daß dieselben erst erfolgten, als die Symptome der Syphilis verschwunden waren, dagegen ein heftiger und anhaltender Speichelfluß vorausging, müssen hier die diagnose des Arztes sicher stellen.“

Nec ullo modo putandum est, syphilidis phænomena semper evanescere oportere, priusquam mercuriale malum appareat. Saepe enim symptomata venerea permanentia, ac paulatim in mercurialia mutata, et diagnosin reddunt difficiliorum et medico faciliorem parant erroris excusationem.

## IV.

### Hydrargyrosis formæ.

#### 1. Ulcus mercuriale.

Nascitur in omnibus corporis partibus, praesertim in quibus syphilitica quoque ulcera oriri solent,

---

2) Ueber die Erkenntniß und Cur der chronischen Krankheiten, Wien 1820. B. 3. 498.

quippe cum aut ex iisdem, dum adsunt, efformetur, vel aliud ulcus, prius venereum, jam sanatum, de-nuo erumpat, indolemque induat mercurialem. Quod quidem timendum, si ulcus, adhibito mercurio, aut canari omnino non incipit, aut si inceptus fortasse primo sanationis processus subito subsistit, noxaequa-nascuntur exulcerationes; — sin vero, continuato mercurii usu, malum augetur, jam mercurialem na-turam assecutum his fere signis cognoscitur: formam habet hic illuc incisam et quasi dentatam, in fundo pallidum ac saepe spongiosum est, dum in circuitu, in quo celerime procedit exulceratio, inflammatio-nis praelucet rubor; margines circumverguntur eoque maiores videntur atque impares, saepe acuti sunt, ita ut cultro quasi reperiantur percisi 1); mercuriale ulcus scorbutico non semper eo, quod facile madet sanguine, simile est; — plerumque summa est sen-sibilitate, et maximos affert dolores, quo quidem non minus quam eo, quod celerius serpit, ab ulcere ve-nereo distinguitur. Videntur interdum quaedam ulce-ris partes ad sanationem inclinare, aliae etiam re vera, idque in ipso centro sanescunt, attamen subito modo in hac modo in illa corporis parte nova erumpit funesta exulceratio. Saepe etiam fieri solet, ut ad alteram ulceris partem latius serpat suppuratio, altera crustis gangraenosis obducatur, quae tamen cito detrudi so-

lent. Evidenter ulceris mercurialis, ex quo potissimum, cognoscatur signum, hoc esse dicitur, quod alio corporis loco sanatum, alio denuo malignius exoriatur 2). Quae quidem ad sanationem propensio ne in eo quidem morbi mercurialis stadio, cui nullum amplius auxilium sperari potest, abesse fertur. Quid, sicuti etiam magna horum ulcerum ad gangraenam efficiendam inclinatio, quae quidem ulceris efformationem aut praecedit; (ubi tunc e venoso quodam livido, crustaque obtecto maculo nascitur ulcus) aut sequitur (quo facto ulcus jam inchoatum oriente gangraena latius vagatur) haud dubie sufficiunt ad mercuriale ulcus ab aliis distinguendum. Quando sanata jam ulcera denuo erumpunt, dolor plerumque in eodem corporis loco antecedit, cicatrix inflammat, citoque incipit exulcerationis processus. — Praeterea e quibusdam exanthematum formis ulcera possunt enasci; crustae enim, pustulas tegentes, pure sub iis collecto, decidunt, et ulcus in vera forma apparet, praesertim in superficie magis magisque serpens. Ejusmodi ulcera saepe in facie atque comata capitis parte occurrere dicuntur 3). Remanent plerumque rubrae cicatrices et profundae, quae nunquam firmae sed tenerrimae et maxime sensibiles facile denuo dehiscunt.

2) ibid.

3) Hecker l. c. 286.

Ulcus mercuriale in partibus genitalibus, cancer mercurialis, oriri potest, primum ex venereis, aut adhuc patentibus, aut jam sanatis ulceribus, deinde etiam in sauciis excoriatis genitalium locis, quos nonnunquam balani blennorrhoeam comitari videmus, plerumque obvios in hominibus, adstricto praeditis, praeputio, si perperam, tanquam syphilitici, mercurio curantur. Prima, quae in cancris, mercuriale naturam induentibus, observatur mutatio, etiam hic ea est, ut sanationis processus cesseret, ulceraque, adhibito nihilominus mercurio, per aliquod tempus stabilia evadant; postea autem, continuato mercurii usu, exulceratio crescit, atque ulcera formam, supra memoratam, monstrant. Diligentior ulcerum in genitalibus, plerumque primaria luis forma prodeuntium, observatio ad malum mercuriale perspiciendum haud parvi sane momenti est; quippe quorum sive melior, sive pejor conditio, ad hunc vel illum mercurii effectum nos attentes reddere debeat; nec forma autem sola ulcerum nobis dux esse potest, propterea quod cancri venerei non sub eadem semper forma ocurrunt, partesque jam nominatae, aliarum quoque non syphiliticarum inflammationum exulcerationumque sedes esse solent. Externorum autem perponderatio et periculum, mercurii usum ad tempus intermitterendi, nos in diagnosi omnino certiores facere possunt. — Lequuntur, qui de lue scripserunt, etiam de cancris benignis et malignis, hosque ita designant, ut maxi-

me similes esse mercurialibus eluceat, quorum quidem malignitatis causam in corporis constitutione debilitata, in boni aëris cibique inopia, in epidemico quodam momento, atque in mala curandi ratione, statuendam putant. Ejusmodi autem ulcera, — quō quidem a mercurialibus certo distinguuntur, — apto regimini, cauteque mercurio adhibito semper cedent.— Illa autem, quae a nonnullis phagedaenica nominantur ulcera, saepe mercurialia fuisse mihi videntur; hisce enim simillima ab illis describuntur, dicentibus esse ulcera cito serpentia, quae, etsi levissimo sub tactu, maximos jam afferant dolores, nec semper cedant mercurio. — Videmus porro, praesertim post mercurium magnis et celeriter propinatis dosibus adhibitum, ulcera, formis nullo modo mutatis, facile sanguinem émittere, quod haud dubie mercurio quidem efficitur, nequē tamen ideo ulcera mercurialia sunt, quae non nisi in senioribus morbi stadiis sanguinem propellunt, quando exulceratio jam longe progressa est, et simul vasorum systematis infirmitas humorumque dissolutio maxime jam increvit; cum in his contra ulceribus, de quibus nunc sermo est, emissio sanguinis vi forti mercurii in partes exulceratas, et scorbutica quadam, quae adesse videtur, diathesi, efficitur.

Nunc respicienda esse videntur, quae de localitate ulceris mercurialis statuuntur. De ulceris syphilitici localitate sententia, a Wendtio satis refutata, causam praebeuit usui locali mercurialium, quae in-

terdum prodesse possunt; ex quo quidem usu locali malum locale mercuriale Mathias nasci putat. Ad hanc vero opinionem minime accedendum puto; nam si mutatur forma ulcerum syphiliticorum, usu locali mercurialium inconvenienter adhibitorum, attribuendum hoc potius censeo excitanti et causticae remediorum vi, quam exercent in partes inflammatas et valde irritabiles, cum eadem remedia magnam saepe afferant utilitatem ulceribus atonicis; porro alia quoque caustica eandem ulcerum formam, qualem exhibet usus mercurialium localis, efficere possunt. Ipse Mathias dicit 4).

„Ist das Mercurialgeschwür blos local und von keiner langen Dauer, so wird es schon dadurch seine venerische Beschaffenheit wieder annehmen, daß man mit dem Quecksilber einige Tage aussetzt und lindernde reitzertötende Mittel anwendet.

Morbi, nosocomio nostro observati, historia, erit argumento, quanta sit difficultas cognoscendi mali mercurialis in primis initiosis; ubi cum peculiarem quandam formam respicere non possethus, docuit nos experientia, ulcera non amplius syphilitica sed mercuralia esse, quippe quae in pejus abirent post iteratum mercurii usum.

W. autor, xxv annos natus, post coitum peractum cum prostibulo, gonorrhoeam et ulcus syphiliti-

cum in praeputio glandis nactus erat. Medicus,  
 quem, eodem loco degentem, in consilium vocaverat,  
 praescripsit ei dosin calomelis, matutino ac vespertino  
 tempore sumendam. Quo remedio cum per octo die-  
 rum spatium aegrotus usus esset, nec domi remansis-  
 set, vehementi saliva fluxu laborare coepit, quo af-  
 fectus die XXIV. mens. Decembr. in nosocomium re-  
 ceptus est. In exploratione invenimus ulcus syphiliti-  
 cum penis, condylomata in ano et excoriationes in  
 cavo oris; salivatio jam, aegroto teste, deminuta erat.  
 Affectiones, quas modo descripsimus, syphiliticas ha-  
 bendas esse censuimus, et sublato saliva fluxu, mer-  
 curii denuo adhibendi consilium cepimus. Aegroto,  
 balneo adhibito, decoctum stipit. dulcamet. et radic.  
 Sassafrass. pro potu quotidiano propinabatur. Tali  
 modo duarum hebdomadum spatio evanuit salivatio  
 et prius enarratae affectiones in melius mutari visae  
 sunt. Cum vero virus syphiliticum corpus nondum  
 reliquisse existimaretur, denuo aegroto hydrargyrium  
 muriaticum corrosivum, matutino et vespertino tem-  
 pore pro octava grani parte sumendum, praescriptum  
 est. Paulo autem post, paucis granis praeparati mer-  
 curialis ab aegroto sumitis, omnia in pejus versa sunt;  
 ulceræ penis ciebant dolores et denuo exulcerabantur.  
 Aphthis similes excoriationes cavi oris et faecium,  
 quae fere evanuerant, distinete apparebant; quare  
 mercurii usu omisso, praescripta sunt: primo hepar  
 sulphuris, tum vero decoctum rad. Sassafrillæ cum

acido nitrico. Qua ratione, affectionibus istis penitus sanatis, aegrotus, tribus postea hebdomadibus, sanus e nosocomio emittebatur.

Ulcus mercuriale, quod, in ore et faucibus apparens, genarum superficiem internam, gingivam, velum palatinum, linguam et posticum pharyngis partem occupat, vario modo enasci potest. Exoritur enim, cum aut venerea his in partibus ulcera, aut aphthis similes excoriationes, quales inveniuntur in pseudosyphiliticis morbis, si perperam tanquam syphiliticī curantur, mercurialem characterem assumunt. Sed inter salivationem etiam, ac solutionibus mercurialibus extrinsecus adhibitis, ulcera possunt oriri, quae tamen plerumque pro superficialibus tantum inflammationibus atque excoriationibus membranae oris, mercurii irritatione genitis, habenda, nec, nisi eodem tempore inter salivationem, magna mercurii copia adhibita, generale malum mercuriale appareat, ulcera haec, excoriationibus formata, mercurialis vocanda sunt. Ulcera haec, nisi ex aliis, quae jam adsunt, oriuntur, ex simplicibus excoriationibus albis, aphthis similibus, efformari dicuntur; processus excoriationis in una alterave tonsilla primum plerumque originem trahit, et celerrime, sed in superficie magis<sup>5)</sup>, ulcus serpit; quod cum malignius fieri minatur, simul glandulae proximae cum dolore tumescunt, et

maxilla inferior etiam immobilis sit 6). — Saepenumero vero maximam habent ulcerum venereorum similitudinem, et hic quoque diagnosis nostra, antecedentis conditionis simul habita ratione, confirmari potest. Investigandum enim, utrum jam antea adfuerit ulcus, quidque mercurius, in illud adhibitus, valuerit, an post illius usum ortum sit? Nec praetermittendum deinde in diagnosi, quod Mathias 7) prae ceteris in medium protulit, ulcera haec facile sanata aliis in locis denuo erumpere. Experientia porro probavit, internos genarum parietes cum lingua rarissime venerearum excoriationum ulcerumque sedes esse. Linguan ulceribus mercurialibus affici posse, Mathias, experientia fretus, commemorat, nec raro, dicit, in posterioribus et lateralibus linguae partibus haud exiguum substantiae jacturam reperi. Est et alius auctor 8), qui iis, quae mercurius secum dicit, phaenomenis, tumorem et inflammationem colli, conjunctam saepe cum crusta quadam in interna genarum facie, et linguae tumorem cum profundi in ea ulceribus annumet. Cui simile quid in aegrota, de qua mox sermo erit, observandi nobis erat occasio. — Ulcera mercurialia oris fauciumque facilime redeunt, quod praecipue refrigerationi tri-

6) John André's Abhandlung über venerischen Tripper und  
venerische Krankheit, aus dem Engl. Leips. 1781.

7) I. c.

8) J. André. I. c.

buendum. Praeterea Mathias mercurialem morbum in faucibus atque ore multo diutius residere, quam in alia corporis parte, contendit. — Quae quum ulcera, ignorata propria eorum natura, pro venereis habentur ac mercurio tractantur, gravissima in conspectum veniunt mala; tunc enim, ulceribus latius atque altius serpentibus, ossa palati carie afficiuntur, immo etiam posterior pharyngis paries ita potest destrui, ut vertebrae colli nudae atque intectae cernantur. 9)

Anna, XXX annos nata, ancilla, pallido hectico-que vultu atque infirma corporis constitutione, die IV mens. Sept. MDCCCXXIV in nosocomium nostrum recipiebatur. In postica pharyngis facie, ulcera praepingui fundo reperiebantur, palatum molle prioribus ulcerationibus funditus fere destructum, jam vero cicatrice obductum fuit. In dorsi linguae parte posteriore prope radicem induratus et prope scirrhosus cernebatur tumor, in antica parte vero tuberculum verrucosum, unde fissurae ad ulcera, inferius sita et margine dentato fundoque praepingui et sanioso praedita, tendebant. Aegrotae voces per nares eduntur et oris exhalitus fastidiosus; cibi, praesertim duri, deglutiiri sine impedimento atque dolore non possunt; glandula sublingualis major et duriuscula, in sinistro colli latere abscessus, ovi columbini magnitudine, inveniuntur. Genitalia nihil, quod primariae infectionis

---

9) Mathias l. c. 163.

opinionem excitare possit, ostendunt. Saepe aegrota de capitis et extremitatum inferiorum doloribus queritur, qui quidem tantum aberant, ut nocte augerentur, ut contra calore lecti mitigarentur; per anni tempus profusus acerque fluor albus aderat, et per tres annos jam catamenia deerant; appetitus minimus, digestio, alvo interdum adstricta, non laesa. Ante annum, quum usque ad hoc tempus aegrota bona gavisa esset valetudine, dolores colli apparuere, ad quos post duas hebdomades ulcera palati mollis et fauicum accedebant. Non multo ante coitum se exercuisse, nec tamen ullum genitalium vitium animadvertisse, confessa est. Per tres menses nullo remedio in auxilium vocato, morbo vero in dies accrescente, mense Septbr. anni MDCCCXXIII aegrota nosocomii nostri opem imploravit, ubi ad morbum, venereum cognitum, sanandum varia hydrargyrii praeparata adhibebantur. His duos per menses aegrota, ut ambulatoria, usa est, cum vehemens salivatio exoriebatur; quo facto aegrota, remediis acceptis diffusa, nosocomium non amplius frequentavit, neque illo modo usque ad mens. Septbr. MDCCCXXIV, quo tempore recipiebatur, morbo suo mederi studuit; eodem tempore etiam ulcera palati mollis consanando clausa erant. Remedia nunç in morbum, mercurialem cognitum, adhibita, haec erant: hepar sulphuris, decoctum radicis Sassafrillae et ligni Guajaci. Jam aegrota, morbo sanato, die X. mens. Octobr. hinc di-

missa est, et nunc post annum iam peractum, bona fruitur valetidine.

Malum hoc in exemplo mercuriale fuisse, non solum mercurius, tam infauste adhibitus, sed melior etiam, cum intermitteretur mercurii usus, morbi conversio, quin etiam ulcerum singulorum sanatio, — quae quidem, cum res externae haud faverent, perfici non potuit, — valde suadent, nec minus quae rarissime tantum comitari solent larem, linguae ulcea, ejusque scirrhosa induratio.

## 2. *Bubo mercurialis.*

Ostendunt se in regione inguinali tumores, qui, sive hac sive illa excitati causa, mercurio male exhibito, naturam prae se ferre possunt mercurialem. Hi mercuriales inguinum tumores, num apparare possint, hand praecedente glandulæ malo, causa alia effecto, quod quidem fieri posset, in morbo mercuriali, qui cancro genitalium praesente ortus esset, equidem dijudicare non ausim, neque etiam in scriptoribus confirmatum reperi; ceterum tum difficillima eset diagnosis, nam unum quemque propensiorem puto ad credendum, cum cancer jamjam adsit, bubonem luis potius, latius sese propagantis, signum esse, quam ineuntis morbi mercurialis. Dum nil adsit, nisi affectae glandulae tumor, deficientibusque aliis symptomatibus, malum mercuriale dignosci vix credam. — Ille inguinorum tumor si naturam mercurialem assunit, dolores, ut fieri solet, crescunt, ipseque saepius

augetur, atque exitum in suppuratione habet, quae eo magis adjuvatur, quo dilatius, malo ignorato, mercurius adhibetur. Bubo autem, sive jam est apertus, seu medio in mōrbo mercuriali sese aperit, celeriter suam ipsius prodet naturam. Scilicet inguinum tumores, bonum autē pus edentes, tunc temporis foetidam secernunt saniem, induratos habent margines et elatos, atque in ulcera transeunt dolorifica et corroden-  
tia. Processus exulcerationis tum celerime saepe augescit, quo fit, ut nonnunquam paucis diebus cutis et, quam tegit, tela cellulosa destruatur, et glandulae nudae appareant, atque, ut ita dicam, suffossae. Fi-  
stulis etiam indies partes affectae corroduntur, et gan-  
graena singulas passim vastatur cutis regiones. Pro-  
cessus exulcerationis adeo saepius penetrat in profun-  
dum, ut vasa arteriosa erodantur, novumque proslu-  
vio sanguinis aegroto afferatur periculum. Saepe qui-  
dem in utroque latere inguinum tumores in talia tran-  
seunt ulcera, reapse phagedaenica, interdum autem unum tantummodo destruens appetet, quum alterum minorem ostendat vehementiam. Quae quidem ulce-  
ra, nonnunquam vix magnitudinem juglandis egredi,  
et superficialia solum esse, alibi vero majore se pan-  
dere circuitū, quin etiam usque ad abdomen penetra-  
re et femora dicuntur, de qua re Matthias 10) exem-  
plum exhibit. Memorant scriptores in compendiis  
de lue venerea certam quandam bubonum speciem,

10) l. c. 122.

qui pro mea opinione mercurialibus ad numerari debent, quum iisdem, quibus hi, describantur signis, et noxius sit in iis mercurii usus; attamen non semper malignitatem eorum a mercurii abuso ortam statuunt, sed ut e. g. cel. Richter 11) a complicationibus cum arthritide, rheumatismo, scrophulis, ac certa corporis constitutione, vasorum lymphaticorum et glandularum affectioni propitiore.

Exemplum, quod mox enarrabo, notatu dignum est, cum ob tardiorē evolutionē, tum ob valde celerē propagationē hydrargyrosis, quam etiam duem plane sanatam consequi posse probat; nec negligi debet observatio de utilitate pressurae mechanicae, quae hoc in exemplo non potest ignorari.

Jacobus, rusticus, die XXIV mens. Julii, cancer in glande penis affectus, in nosocomio receptus est. Quum ulcus prae se ferret naturam syphiliticam, neque aegrotus concubitum negaret, cura mercurialis incepta est, ita ut per dies octo mane inunctio 5ʒ unguenti neapolitani applicaretur, vespere Mercurii dulcis gr. 5 et ad bibendum propinaretur decoctum specierum lignorum. Quum autem prodromi apparerent salivationis, intermissis his remediis, aegroto, ut a frigore aere servaret jusso, ob alvi obstructionem mixtura solvens ordinata est. Postquam haec signa evanuerant, nec tamen ulcus coquanebat, iterum per tres hebdoma-

des mercarii solubilis Hahnemanni gr. 3, mane vespere que sumendum, propinatum est. Symptomata oris affectionis rursus quidem apparuere gradu minori, sed evanuerant, ut primum cura, a qua diximus iterata est; nunc denique ulcus purgari et ad sanationem verti videbatur. Aegrotus quum desideraret, dimissus est, loco ulceris cicatrice nondum obductu, ius-  
eus quidem ut subinde nosocomium frequentaret. Ob- sequente quidem aegroto huius mandato, tantum ab fuit, ut clauderetur ulcus, ut patius recrudesceret; ideoque iterum recepto, de quo mercurius solubilis Hahnemanni adhibitus est. Postquam gr. xx summis- set patiens die VI mens. Oct., cum ulcus cicatrice ob- ductum esset, dimissus est. Die autem Oct. XXVIII rediit, quum iterum recrudesceret cancer et veterem fere praebaret formam; accessit ut glandulae inguinales tumuerint. Quamquam negabat aegrotus se re- bus venereis operatum esse, tamen haud confitendum erat edicto ejus, et cum accederet tumor glandularum, aut, lumen venereum prima cura haud sanitam, aut novum contagium acceptum esse conjici potuit. Utique casui cum necessarius esset mercurii usus, haecce pilulae aegroto propinatae sunt;  
 R. Hydrargyr, muriat. corros. Opfi puri aa. gr. IV  
 Succ. liquerit. 3jj Aq. destillat. q. s. ut fiant pill. No. LXXX, quas mane vesperoque quinas sumeret, nec non tumori emplastrum cicutae et mercuriale applica- tum est. Quum haec cura per tres continuaretur heb-

domades, ulcus quidem glandis consanuit, bubo vero discuti haud potuit, ita ut tumor in latere sinistro, quum fluctuatio in eo appareret, cultro apertus, unguento miti ligaretur. Tumor in latere dextro sponte postea rupit. Dum mercurii usus haud intermitteretur, eo usque bubones aperti non cansanuere, imo e contrario bubo sinister tarde quidem sed tamen latius se expandit. Ad inunctiones nunc unguento neapolitano usi sumus, sed tantum asuit ut ulcus meliorem adipisceretur formam, ut potius, magis magisque crescens, secerneret ichorem, et dolorificum fieret, quo constaret, malum esse mercuriale. Itaque mercurialibus intermissis, ulcus remediis mitigantibus tectum est. Per hoc tempus universalis etiam aegroti status depravatus erat, quod languor et jactatio, deficiens appetitus, obstructions et febris cum pulsu duro et frequenti praeceteris probarunt. Pro statu igitur ordinata sunt aegroto medicamina refrigerantia leniterve solventia. Bubo in latere sinistro magnitudinem ferme palmae explevit, tristissimumque praebuit visum; nonnullae cutis particulae gangraena affectae, simulatque glandulae plane nufiae, saries secreta valde foetida erat, et minimus quisque contactus vehementissimos excitavit dolores. Obligabatur initio liquamine myrrae, posteaque decocto corticis Chiae, quae dextri etiam lateris ulceri applicata sunt remedia, quippe quod in pejus verti videbatur. Talis fuit aegroti status sub finem mens. Decbr., minimeque se

praebuit prosperum, neque etiam salubria se probabant remedia adhibita, cum subito profluvium sanguinis exoriretur media in basi ulceris sinistri. Haud ligari potuit arteria, ideoque ulceri, linteo impleto, penicillum superque spica imposita sunt. Postero die redempta ligatura, meliorem ulcus ostendit formam; sanguinis enim profluvium suppressum, et crusta granulosa destrusa erat. Aegroto, febre remota, decoctum corticis Chinalae posteaque radicis Sassafrillae cum acido nitrico ordinatum, et praeterlapso profluvii periculo, quum dolores quam vehementissimi aegrotum vexarent, ligatura omissa, ulcus linteo, decocto quercus imbuto, tectum est. Quum vero die subsequenti novum ortum esset sanguinis profluvium, ligatura premens cum eadem qua prius efficacia iterum adhibita est, et cum haud ignorari posset magna pressuræ mechanicæ in statum ulceris vis, continuata est haec curationis via, atque ulcus quater quinqueve fomentis è decocto quercus paratis, una cum ligatura supra jam memorata, tectum est. Optimum etiam, cum localis, tum interna, de qua diximus, medela habuit eventum. Quippe quum aegrotus appetitum, et victu nutritio ac roborante vires etiam sensim sensim recuperaret, cum porro indies ulcera conisuererent, quod quidem eo facilius fieri potuit, quo magis jam initio ichoris ista evacuatio evanisset et suppurationi, ideoque granulationi bonae locum dedisset, — cum ita, inquam, omnia sese haberent,

aegrotus medio mens. Jan. dimissus est plane sanatus.

### 5. Exanthema mercuriale.

Primum observatum est a medicis Anglicanis, cum jam anno MDCCCLXXXIII cel. John Pearson in praelectionibus suis memorasse dicatur (2). Haud multo post medici etiam Edinburgenses, inter quos B. Bell (3), hunc morbum observarunt. Primam monographiam anno MDCCCIV edidit cel. Dr. Alley (4), hoc malum erythema mercuriale vocans, quam alter mox excepit libellus auct. Dr. Moriarty (5). Anno MDCCCV Dr. Spens opusculum edidit in Tom. I. libri: Medical and surgical Journal. Edinburgh, cuius Tom. II. exhibet epistolam medici cuiusdam anonymi, scriptam anno MDCCCV e Madras, qua amico cuidam in Anglia narrat, erythema mercuriale saepius ibi observari. Postea Alley hoc exanthema describit sub nomine hydrargyriae (6). In Germania etiam a cel. Hecker (7),

(2) Med. chirurg. Zeitung. Bd. I. 1814.

(3) Abhandlung über den bösartigen Tripper und die venerische Krankheit, a. d. Engl. Leipzig. 1794.

(4) An essay on a peculiar eruptive disease arising from the exhibition of mercury. Dublin 1804.

(5) Description on the mercurial lepra. Dublin 1804.

(6) Observations of the hydrargyria, or that vesicular disease, arising from the exhibition of mercury, Lond. 1810.

(7) I. c.

etsi formam ejus distincte haud definit, et ab aliis observatus est morbus. 18)

Exanthēma illud minime est certum hydrargyrosis symptōma, qua etiam deficiente, saepe potest oriri. Initium capit ex usu mercurii, non solum in morbis venereis, sed aliis etiam, saepiusque perexiguas sequitur ejusdem doses, si de groto propria contra hoc metallum idiosyncrasia, aut scorbutica diathesis inest; quinetiam emplastris unguentisque mercurialibus exanthēma in eo loco, cui applicata sint, excitari contendunt 19). — Exanthematis eruptionem catarrhus, febris, interdum etiam inflammatio oris et salivatio antecedunt, nec febris desinit cum erupto exanthemate, sed potius augetur. Alley tres formas statuit quoad gradum diversas:

1) *Hydrargyria mitis.* Cum ardore et pruritu saepiusque cum dolore capitis ac vomitu cutis roseum accipit colorem, et perhūlis tegitur papulis, se minimis miliis haud dissimilibus, et fluido quodam pellucido, acri et saepe foetido repletis, quae quidem ut fieri solet, scroto, regioni inguinali vicinisque abdominis femorisque partibus incident, unde non-

18) Jos. Frank in Acta institut. clin. Vinens. Vol. III.  
Lips. 1812. p. 22. — Fr. Kopp Dissert. de exanthematis exter dum mercurialium usum sequentibus.  
Landsh. 1817. — Hufeland's Journal. 1823. 6. St.

19) Batemanns Darstellung der Hautkrankheiten. 4, d.  
Engl. von Hahnemann, Halle. 1815.

nunquam latius se propagant, rarissime vero in faciem transeunt. Papulae aut rumpuntur, et crustas formant, ut in herpete, aut siccantur ac desquamantur.

2) *Hydargyria simplex* in eo differt a modo descripta, quod vehementiora sunt symptomata praecedentia, eo deinde, quod initio maculae apparent morbillis similes, quae vero mox crescunt atque orbiculares fiunt, et in nodos rubros transeunt, modo clariores, modo fusciores; accedit, ut sebris magis conspicua fiat et aegrotus imprimit dolores queratur praecordiorum. Haec exanthematis forma saepe desquamatione finitur, quae iterari etiam solet.

3) *Hydargyria malignae* communia sunt cum simplici initium et decursus, aestus vero in cute majoribus afficit aegrotum doloribus, ardor ad altissimum pervenit gradum, cutis fusca est aut purpurea et patens de doloribus queritur in pharynge. Ante desquamationem pustulae magni circuius oriuntur, adeoque densae corpori incitae, ut universalis fiat cutis desquamatio. Pustulae ruptae fluidum acre edunt, cutis fit glutinosa et tenax et foetidum spargit odorem, aegrotus summa cruciatur anxietate et animi dejectione, cutisque nuda tantos efficit dolores, quantos vix possit tolerare.

Respondet huic descriptioni illa, quae in opusculo supra memorata libri „Hufeland's Journal“ exhibetur, cuius auctor itidem varios observavit hujus mali gradus. In gradibus morbi altioribus, latiori

exanthematis expansioni adjuncti erant dolores impharynge, tumor dolorificus parotidis, tonsillarum, palati, gingivae et prae ceteris linguae, quippe quae crusta crassa subalbida et aphthosa tecta esset. Prohibitus erat et dolorificus maxillae motus, respiratio difficultis et summa cum anxietate conjuncta; dentes autem firmi, nec ullum auctae salivationis signum repertum.

Exanthema nisi universale consequitur malum mercuriale, sed si peculiarem se praebet morbi formam, tempore breviere aut longiore finiri solet, ab hebdomade una usque ad mensem.

Matthias etiam duas memnotat hydrargyriae formas, quarum altera varis similis, non semper eidem insidet loco, altera pertinacior ac magis inveterata, impetigini similior in palma praesertim, brachiis et cruribus, nonnunquam etiam in ceteris corporis partibus, rarissime vero in facie extendatur.

Secundum Cl. Struve exanthema papula etiam se prodit pure repletis; oriuntur enim maculae subcaeruleo-purpureae, quae aut discretiores, aut densiores cruribus imprimis et brachiis sunt insitae, quarum in medio papula prorumpit, quae, magnitudinem lentis vix egrediens, post aliquot dies aut siccatur et amissio rubore decidit, aut, si scabebatur et irritabatur, in superficialem transit-exulcerationem. Pruritus, huic exanthemati adjunctus valde molestus est, et tum praecipue animadvertisitur, cum mercurius ob

exigua, aut etiam incerta signa veneralia talibus propinquabatur aegrotis, quales ob propriam atrabilariam corporis constitutionem mercurium perpetui haud possunt esse, phænomenis laborant hec taceae orientis, quae nec cum lue venerea, nec cum hydrargyrosi arte cohaerent.

Sub nomine eczematis rubri cel. Batemann similem describit exanthematis formam.

Ab exanthematis veneralibus distingui mercenariale Matthias statuit, maculis cutaneis colore cuprino tinctis, quas quidem proprias putat veneralis. Quae ut discernere possimus, necessarium aestimo, ut respi- ciamus ad alia vel luis vel hydrargyrosis symptomata et antecedentem mercurii usum.

#### 4. Minus distinctae morbi mercurialis formae.

Huc pertinent affectiones periostei, ossium, tendinum et ligamentorum, quae, quum non dignoscantur certa quedam forma, et, si aliis procreantur causis, eodem esse praebant modo, per se tantum, nisi formarum supra jam memoratarum una vel altera accedat, hanc designant hydrargyrosin. Augetur etiam in diagnosi difficultas, quod saepius haec affectiones naturam exhibent mercenariam, nec signa, quae antecedere solent, aut jam evanuerint, aut plane non sufficiunt, quod deinde lues venerea, aliis in formis mercenariae tanata, hanc tamen formam retinet. In

affectionibus rheumaticis et arthriticis facilior diagnosis est, cum his plerumque magnus mercurii haud praecesserit usus. — Sunt ergo certe multa hydrargyrosi his in partibus ac lui communia; attamen e medicorum descriptionibus nonnullae colligi possunt notae, quae, quomodo discernamus, nos doceant. Dolores, qui in morbo mercuriali ossa afficiunt, modo obtusi sunt et acerbi, modo tendentes, et aut eas p[ro]ae ceteris arripiunt partes, quae in lue etiam laborant, aut articulos. Qui quidem dolores, opinione nonnullorum 20) exacerbatione carent nocturna, et magis modestos debilitatis ac lassitudinis articulorum sensus se produunt, quo fit, ut aegrotus saepius genua inflectat. Alii vero docent, commune iis etiam esse cum doloribus venereis, quod nocte praesertim excitentur 21). Saepius ossa capitis afficiuntur, quare aegroti vehementissimis laborant in capite doloribus, qui non unice eidemque semper insident loco, sed ab una in alteram saepius se conserunt partem. — Duo p[ro]ae ceteris hic respicienda sunt momenta distinctionis inter dolores ossium mercuriales et venereo[rum], tum discessus ab uno in alterum locum, tum mali depravatio mercurii usum sequens. Ossa, si diutius morbus perdurat, omnes inflammationis exitus patiuntur; tumescunt, solvuntur et in suppurationem et cariem

20) Wendt l. c. 298.

21) Mathias l. c. 188.

transeunt; attamen Mathias contagio venereo ossa sae-  
pissime cariosa, mercurio vero fragilia fieri contendit.

Multo crebrius autem quam ossa, periosteum in-  
greditur hydrargyrosis, quo dolores, tumor et ulcera  
oriuntur. Ossium tumores itidem in iisdem corporis  
locis, quibus venerei, reperiuntur, ubi ossa proxima  
sunt superficie, in capite, in scapula, clavicula et  
crure; duri sunt et nitidi, nec vero valde dolorifici;  
eorumque inflammatio sacpius, quamquam maxima  
fit, tamen mox dissolvitur 22); per annos nonnun-  
quam perdurare et per se ipsi abire aut sensim in sup-  
purationem, lente orientem et procedentem, transire  
dicuntur. Docent porro medici, tumores hos, si par-  
tem capitidis occupent comatam, continuato hydrargyrii  
usu, in maligna verti ulcera, si autem in ossibus  
longioribus animadvertantur, vehementissimis cum  
doloribus, intermittentibus quidem, sed tamen frigida  
praesertim tempestate redeuntibus, conjunctos esse et  
rarissime tantum in suppurationem transire 23). —  
Quodsi aperiuntur tales tumores, massa quaedam con-  
spicitur spongiosa atque obesa, quae, orificio egressa,  
in pus quoddam albidum solvit; quo facto ulcera  
citissime saepe consanescunt et magnas relinquunt et  
rubras cicatrices, ad recrudescendum propensas; —

22) Hecker l. c. 285.

23) Dissert. med. inaug. de morbo quodam periostei vel  
ossium, usum bydrargyrii nonnunquam sequente J.  
Dyrely. Edinb. 1813.

finita in uno tumore suppuratio, saepe in altero oritur, qua tamen rarissime ipsa afficiuntur ossa. — In tendinibus, cartilaginibus et ligamentis saepius, mercúriale inesse quam venereum malum, Mathias contendit, ita ut tumores tendinum nunquam contagio syphilítico, sed potius mercurii abusu efficiantur, quod ipse exemplo probat<sup>24)</sup>). — Hydrargyrosis etiam articulòs aggredi posse dicitur, ibique rheumaticis haud dissimiles excitare dolores, qui nocte praesertim in articulo pedis et calce sentiantur.

Mathias porro de ulcere nasi, ozaena mercuriali vocato et mercurii abusu exorto, loquitur, quod non minus periculosum ac late serpens, quam venereum, dicit, et cuius e praxi sua affert exempla.<sup>25)</sup>

Ut haud raro exostoses, lue sanata, remanent, ita et illae, quas hydrargyrosis secum dicit, quas innoxias minimeque periculosas haberi oportet morbi reliquias.

K. operarius, XXX annos natus, statura parva, constitutione cachectica et temperamento phlegmatico, per aliquot annos ob bubonem in dextro inguine, post coitum ortum seriusque eruptum, remediosis mercurialibus in diversis usus erat formis, tempore, quo domicilium habuerat humidum humileque, quod intumescente flumine saepius jam inundatum fuerat. — Quum per XII hebdomades usus esset mercurio, ne-

<sup>24)</sup> I. c. 194.

<sup>25)</sup> I. c. 190.

que eum intermisisset, salivatione jam orta, ulcus quidem inguinale consanuerat, sed vehementes dolores tumoresque ossium etiam orti erant, aegroto simul maxime debilitato. Quae tamen phaenomena, cum idem postea meliori gauderet vitae conditione, tempestate faustiori et usu specierum lignorum evanuere. Cum vero coactus esset aegrotus, in pristinum redire domicilium, cum fame et iuopia premeretur, rediit malum, ac, pro ratione conditionum externalium modo in melius modo in pejus versus, per aliquot annos aegrotum vexavit. Quae cum ita essent, phaenomenis modo enarratis exanthema in capite accessit, hocce iisse formans modo: primum in regione verticis parva exorta est macula dolorifica ac pruriens, crusta obducta, qua scabendo detrusa, pus flavo-albidum ac foetidum emisit; tali modo ulcus ortum est, postea latius altiusque serpens, semper vero crusta tecum. Aliquo tempore praeterlapso in variis capitibus plagiis tales apparuere maculae, superioribus simillimae, quae eundem habuere exitum, et sub tegmine crustae pus pessimum secernebant. Quae phaenomena cura medici oppidi nostri, anni praeteriti autumno, evanuere, hieme vero, quum aegrotus humile frigidum que haberet domicilium, redierunt simul cum doloribus et tumoribus ossium atque articulorum; exanthema pristinam quidem recuperavit formam, sed nunc non solum anterior, sicut prius, sed posterior etiam capitie pars affecta est. Hisce omnibus cruciatus aegro-

tus mense Maio a. c. in nosocomium receptus et per  
 mensis spatium, diaeta lactea, speciebus lignorum at-  
 que extracto cicutae adhibitis, curatus est. Nondum  
 animadverti potuit, num bene procederet sanatio,  
 cum aegrotus nosocomium relinquere coactus esset.  
 Rediit autem mense Augusto iisdem laborans malis;  
 inter exulceratas, crustis obtectas, capitis partes, pi-  
 tyriasis vera exorta erat; dolores membrorum, de qui-  
 bus jam diximus, cum rigiditate et ossium tumoribus  
 permanebant, et in crure dextro e loco antea inflam-  
 mato ulcus efformatum erat, quod cruentem saniosum  
 secernens pus, dolores excitans et sanguinis profluvio  
 propensum, sub gangraena superficiali celerrime la-  
 tiua se propagavit. Haud ignorari potuit universalis  
 debilitas aegroti et cachexia; oculi languidi, colla-  
 psi, et caeruleis cincti orbiculis, cutis sicca et laxa,  
 gingiva flaccida et soluta, halitus foedum spargens odo-  
 rem; attamen digestionis organa fere integra. — Or-  
 dinata sunt initio species lignorum, extractum cicu-  
 tae et diaeta lactea; postea vero, cum distinctius ap-  
 pareret morbi mercurialis natura, cibi nutriendo et  
 roborando aptiores propinabantur. In ulcus ecruris  
 linteum, Decocto Chinæ et quercus immersum, cum  
 ligatura prementi impositum est; interne accipiebat  
 aegrotus infusum cort. chinæ cum acido phosphorico  
 diluto. Hac curatione universalis aegroti status mira-  
 ce in melius vertebatur, et omnia, de quibus supra  
 diximus, mala localia mox sanata fore videbantur.

in capite enim neque crustae istae pristinae, nec quibus intermixtae erant squamae regenerabantur; ulcus deinde in crure indies deminutum multo faustiorem praebuit formam; dolores denique in ossibus plane cesserant. At subito novus ortus est in dito indice manus dextrae tumor, qui se transitum in cariem minabatur. Imo tantum absuit, ut curatio tam bene procederet, quam initio esset, ut contra sanatio affectionum localium, jamjam incepta, subito interrupta sit. Hinc conjectimus tamen aliquid Syphilidis adhuc latere, quare unguentum neapolitanum per nonnullos dies inungebatur; et quibusdam tantum factis inunctionibus salivatio et procedens sanatio initium cepit. Simul et dissolutio tumoris diti optime successit et nil remansit nisi anchylosis exigua. Aegrotus nunc mense Novembbris etsi plane sanatus, in nosocomio tamen retinetur, ut per tempus aliquot adhuc observetur.

Hoc exemplum permulta cum alio, a Mathias narrato, exhibet communia. In utroque, mercurio, magna in copia et inter pessimas conditiones adhibito, malum perenne procreatū erat, quod tum symptomatum variatione, et recidivis, a tempestate confectis, tum denique magno curae antimericurialis fructu, satis perspicue mercuriale suam ipsius proderet naturam. Tamen in exemplo, a nobis memorato, notandum videtur, quod lues venerea per longum tempus, quo venenum mercuriale in corpore praevaleret, requie-

ceret, ut ita dicam, nec prius iterum aggredieretur corpus, quam hoste isto jamjam devicto. Verum enimvero relictum fuisse in corpore malum venereum, repentina nobis, post paucas inunctiones mercuriales, suadet sanatio.

## V.

## Hydrargyrosis causae.

Solam morbi causam esse mercurii in corpus ingressum, nomine quidem jam elucet, quaerendum tamen est, quae nam conditiones, ut noxii appareant mercurii effectus, adesse debeant. Quae quidem aut in organismo quorundam sitae sunt, aut rebus externis constituuntur. Illis, quas causas vocant praedispónentes, pro opinione mea annumeranda est constitutio imbecillior, et morbis pristinis vel novis, ut scrophulis, arthritide et praeceteris scorbuto, crebroque mercurii usu, jamjam debilitata, quae, ut experientia docet, perniciose mercurii vi maxime obnoxia est. Huc deinde pertinet constitutio, qua mercurius in secretiones, praesertim glandularum salivarium, minimum valet, in qua saepius tantum abest mercurius, ut antivenereum ostendat vim, ut contra inde ab initio pessimos habeat effectus. Ita rem sese habere, experientia docet, in aegrotis, corpore macilento, fibris adstrictis et temperamento cholericō, atrabiliaria

ergo, quam vocant, constitutione praeditis 1). — Quod confirmari videtur sententia, in iis, qui hepatis affectionibus laborant, mercurium maxime noxios saepe habere effectus. Nihilominus mercurius inter optima habetur contra hepatis mala chronica, remedia; sed respiciendum, quod, ubi turbata iecinoris functione jam orta est humorum resolutio, mercurii usum saepius sequuntur infausta symptomata. — Memorandum dignum hujus rei in nosocomio nostro observatum est exemplum. Quippe viro cuidam, constitutione atrabiliaria praedito, LX annos nato, atque induratione iecinoris et symptomatibus hydropicis laboranti, pauca mercurii dulcis grana, inunctionesve unguenti mercurialis in hepatis regione vix dum erant adhibitae, cum vehementissimae apparerent organorum salivarium affectiones, quae in gangraenam citissime transirent, qua genae amvae corrodentur et aegrotus diem supremum obiret; sectio magnam ostendebat hepatis indurationem.

Mathias porro constitutionem inflammatoriam et plethoricam memorat, quae propensius reddit corpus morbo mercuriali. 2)

Quod attinet ad causas externas sive occasionales, quibus procreatur hoc malum, reputari hic debent:  
**i. Mercurii abusus i. e. a) ejusdem usus in**

1) Wedemeyer in Rust's Magazin. Bd. 9. Schmidt l.c.

2) l. c. 92.

morbis, qui per se ipsi propriam ostendunt corporis debilitatem remediaque reposcunt alia, minus periculi corpori minantia. b) Hydrargyrium propinatum dosibus, aut nimis celeriter sese excipientibus aut permagnis. Quodsi ad methodum mercurium adhibendi respiciamus, olim, in Anglia etiam nunc, frequenter, tunc sane Wedemeyerum laudabimus, quippe qui hanc causam afferat, cur mali effectus curreae mercurialis temporibus antiquis saepius repertis, et cur etiam nunc ab Anglis prae ceteris possint observari. c) Usus inconvenientium hydrargyrii formarum, e. g. mos mercurium dulcem cum pulvere radicis seu corticis cujusdam miscendi, haud divisus singulis dosibus, quem nunc etiam, quod sane dolendum, medici nounulli sequuntur. d) Usus mercurii interruptus. Nam modo vitae ratione parum conveniente, modo usu certorum mercurii praeparatorum, quae infra indicabo, facile salivatio efficitur; cuius ortu' praematuro curatio formarum venerearum interrumpitur, quamvis nihilominus usus mercurii denuo necessarius sit, qui tum aut eundem effectum, aut, si hic jam saepius antecesserit, nostram morbi formam procreet.

2. Vitae ratio parum conveniens durante cura mercuriali. Satis inter omnes constat, curationem aegrorum syphiliticorum temperatione coeli, calido anni tempore, vestitu frigus propulsante, et omnis aëris frigidi evitatione, per multum

adjuvari. Attamen pariter calidae atmosphaerae cura et semper domi se tenendi officium, toties negligitur ab aegrotis, ut, praesertim cum, quamvis malo venereo laborantes, satis bene se habeant, praecepta medici nimiae curae et anxietati tribuenda existiment. Quanta mala vel in organismo sano suppressa cutis exhalatione proferri possint, scimus, quod multo magis in corporibus fiat necesse est, quae ob usum mercurii, ut experientia docet, facilius etiam vim frigoris sentiunt. Eo, quod frigore fibrae rigidiores fiant, et cutis aridior magis contrahitur, et natura sanguinis inflammatoriae similis, vel haec ipsa excitatur, secretiones necessariae impediuntur. Etiam si non contendam, luem venereum secretionibus sanari, tamen experientia abunde edocti sumus, functionibus secretionis impeditis, mercurio syphilidem plerumque non solum non curari, sed etiam mala pejora proferri. Ut in constitutione corporis modo indicata fibrarum rigidarum, frigus etiam curationem syphilidis, mercurio perficiendam, prohibere videtur, et ut in constitutionibus fibrae laxae, sanguinei et phlegmatici temperamenti, et in feminis, sic etiam calore vis mercurii et secretiones auctae adjuvantur, cum cutem humidiorem faciat magisque aperiat, et corpus laxius irritabiliusque reddat.

Porro quaerendum, certane praeparata mercurii hydrargyrosin magis procreare possint quam alia. Massas salina et oxydata mercurii praeparata fortissimas

excitantes causas putat hydrargyrosis atque etiam sententias aliorum scriptorum Anglicorum contra usum harum formarum et praecipue hydrargyriūm muriaticum corrosivum affert. Quod si etiam, quod alii scriptores, experientiam secuti, contendunt, respicimus, certa nimis praeparata, ut modo nominatum et porro mercurius praecipitatus ruber et Hahnemanni tar- diorem atque incertiorem habere vim, et secretione, praesertim glandularum salivalium, difficilius excita- re<sup>3)</sup>, quam alia, ut mercurium dulcem, unguentum neapolitanum et, ut experti sumus, praeparatum Hah- nemannianum \*), inde fortasse explicari potest, qui fiat ut malum mercuriale, usu praeparatorum supra memoratorum, facilius oriatur. Huc si observationem adjicimus, ista mercurii praeparata partim in certis constitutionibus, partim ob nocentem eorum in dige- stionis organa vim, facile mala gignere, ideoque jam pridem medicis officium impositum esse; cum his re- mediis partim talia conjungendi, qualia horum vires secundarias noxias auferre possent, partim omnino evitandi, ubi alia mercurii praeparata sufficerent, — utique eo ducamus necesse est, ut horum remediorum usui limites ponamus et sicubi ea adhibeamus, praeci-

3) Wedemeyer l. c. et Schmidt l. c.

\* Quae quidem praeparata, quod facilius salivationem excitent, luisque sanationem interruptant, nec non iteratum reposcant usum, hydrargyrosi procreandam apta forsitan videntur,

pue alias causas, malum mercuriale provocantes, evitemus. Nullo autem modo sententiam Mathiae sequi possum, qui haec mercurii praeparata, saepius allata, non idonea censet ad tollendum e corpore contagium venereum, ideoque omnino e numero medicamentorum submovenda. Nam, certas perseverantes luis formas diligentiori tantum fortissimorum mercurialium usui, cedere, nentiquam negare possumus.

## VI.

## P r o g n o s i s.

Si morbus mercurialis jam, in primo suo stadio cognoscitur recteque curatur, prospera prognosis fieri et curatio exspectari potest, quam etiam in secundo stadio praedicere licet, si affectiones locales nondum latius serperunt, et infirmitas, praecipue organorum digestionis, nondum insignior est. Sin autem morbus sero cognitus, fortasse etiam per longius tempus, quasi syphiliticus, mercurio curatus, et jam status hecticus exortus est, difficillime, quin etiam prosperrimis tantum sub conditionibus, exitus letalis averti poterit; — qui etiam si non appareat, tamen saepenumero aeger infimo corpore atque adversa valetudine laborabit. — Ad constitutionem aegroti ut simul respicias, eo magis necessarium erit, cum apud nonnullos mercurius multo violentius organismum afficiat, quam apud alios.

Porro complicationes, quae in malis hujus vel illius systematis originem habent, ut chronicī nervorum morbi, scorbutus, scrophulae, arthritis, infirmitas organorum abdominalium, phthisis pulmonalis, prognosi officient. Denique experientia nos docet, anni tempus et coelum maximi momenti esse ad periciendam curationem. In calidis et siccis aestatibus mala mercenaria sua fere sponte evanescunt, cum in frigido atque humido anni tempore facillime revertantur.

Singularum hydrargyrosis formarum prognosis ex universa ejusdem temporis valetudine, ita ut e maturiori vel seniori morbi cognitione pendet. Malo neglecto, modo cancrosa degeneratioue modo gangraenosa affectione partium, et diabrosi vasorum majorum, qua sanguinis profluviū oritur, aeratus magnum in periculum adduci potest. In genere ulcus mercuriale, ubi jam ejus ambitus major est, permultum temporis ad curationem requirit; idem praecipue valet de ulceribus in cavo oīis, faucium vel narium sitis, quae plerumque difficillima sunt curatu. His proxima sunt ulcera inguinum, tum sequuntur cancri mercuriales, denique omnes exulcerationes, quae in truncō vel in membris nascuntur; — haec plerumque facillime consanescunt, modo ne cum articulis, periosteō aut osse ipso cohaereant 1). Dude priores exanthematis species prosperam admittunt

---

1) Mathias l. c. 83.

prognosin; in posteriore vero specie tum febris violen-  
tia, tum clausis viis aëris per ingentem linguae et  
faucium tumorem vitae periculum minetur. Dolores  
et tumores ossium saepe perseveranter optimas curandi  
rationes rejiciunt, illi etiam facile, coeli temperie  
mutata revertuntur, hi saepe incommoda haud noxia  
e malis antecedentibus redundautia, remanent.

## VII.

## Cura morbi mercurialis.

Indicatio prima etiam hic remotio causarum ex-  
ternarum est. Omnis igitur mercurii usus intermitta-  
tur, eaeque rēs, quae morbum adduxerint, vitiosa  
diaeta et neglecta vivendi ratio, mutentur necesse est.  
Commoratio sub diō interdicatur, vestimenta corpus  
bene munientia a tempestatis injuria, regimenque dia-  
phoreticum suadeantur. Cutis functionem incitare co-  
nabimur, praecipue si constitutio ea sit, quae, ut su-  
pra diximus, effectui mercurii in organa secernentia  
minus favere videantur; idem fieri necesse est, saliva-  
tione imprudenter suppressa; salvationis, haud ma-  
ximae adhuc, quamvis adsit, nullam habeamus ratio-  
nem; quae si autem facta fuerit copiosa remediis,  
alia excitantibus secretionum organa, tum usū interno  
corticis peruviani et acidi phosphoricī, et gargariamate  
e decocto corticis salicis vel infuso herbae Salviae, ad-

dito aceto vini vel acido minerali, minuatur. Remotio causarum externarum ad morbum extinguendum statim sufficiet, si initio cognoscebatur, et paulum tantum mercurii in corpus pervenerat. Ubi vero jam major mercurii quantitas ab organismo recepta est, ibi adhibenda sunt remedia, quibus effici possit, ut mercurius chemice dissolvatur, ejusque excretio sic facilior reddatur. Quibus annumeranda sunt remedia sulphurea, experientia scriptorum multorum probata, inter quae praecipue hepar sulphuris, tum interne, tum in balneis, laudatur. Nec negligi debet, his remediis, praeter facultatem mercurium dissolventem, simul etiam cutis functionem, et sic remotionem causarum noxiarum adjuvari. Quem certe effectum concedere debent, qui chemicam eorum vim negare volunt.

Alterius est indicationis, causam phaenomenorum, morbosum illum organismi statum levare; qui quidem, ut jami supra probabiliter expositum est, consistit in humorum resolutione, et, hac quae gignitur eandemque rursus gignit, solidorum debilitate et cohaesione diminuta. Contra hunc statum etiam plerique, experientia probata, remedia efficacia esse vindicantur, quae sunt: cortex peruvianus, remedium roborans et cohaesionem augens, cui, si ob digestionis organorum infirmitatem non toleratur, usus amarorum et aromaticorum praemittendus est; — acida mineralia, imprimis acidum phosphoricum et nitricum dilutum; augent ambo energiam systematis vasorum, et

dissolutioni ac dyscrasiae scorbuticae humorum se  
oppontunt; et illud quidem hoc simul praestat, quod  
optime cum aucta irritabilitate organismi et systema-  
tis nervorum vasorumque praecipue, quae saepissime  
comitatur malum mercuriale, congruit. Plures scrip-  
tores laudant acida: cel. Burdach 1) in doloribus  
chronicis et tumoribus ossium et ligamentorum, ubi  
mercurius, saepe jam et magnis in dosibus adhibitus,  
haec atque alia mala, ut ulcera in cavo otis etc. pro-  
tulerit, commendat; — Robbi 2) acidum et ferrum  
phosphoricum remedia eximiae utilitatis laudat; —  
cel. Wendt et Jahn 3) usum tincturae aromatico-  
acidae probant; in nostro etiam nosocomio saepius  
acidi nitrici bonos vidimus effectus, quod apte cum  
decocto rad. Sassa parillae vel corticis Chineae conju-  
gitur. Medici quidam anglici, Cruikshank, Rolle et  
Cullen, acido nitroso prosperrime usi sunt, quod ta-  
men propter acrem ingratumque saporem nitrico est  
postponendum. Illud etiam nuperime in „Huseland's  
Journal“ 4) maxime laudatur a medico, qui transitum  
ulcerum venereorum in mercurialia recte describit, et  
contra hanc ulcerum formam usum acidi nitrici ex-  
ternum commendat; ulcera linteo in mixtura acidi

1) Arzneimittellehre. Bd. IV.

2) Mathias I. c. Anm. 370.

3) I. c. et Klinik der chronischen Krankheiten, von Jahn  
und Erhard. Erf. 1817. Bd. 2. 140.

4) 56. Bd. 3. St. Von dem Nutzen der Salpetersäure bei  
venerischen Geschwüren, von Dr. Oppert.

nitrici 3*β* aquae rosarum 3*vj* et tincturae thebaicae 3*j* intincto obtegi jussit; quo remedio adhibito, laxos margines ulcerum firmos reddi atque contrahi et plus melius fieri, granulatione jam intra unam alteramve hebdomadem exorta, animadyerit; pari utilitate acidum nitricum adhibuit in ulceribus, quae abusum mercurii in ore, lingua, tonsillis et palato molli sequi observavit, quibus remedium hocce penicilli ope applicavit; simul etiam usum internum acidi nitrici laudat. — Porro radicem Sassafrillae et lignum Guajaci, remedia roborantia atque secretiones adjuvantia commendant; illam etiam, itemque herbam cicutae, quia irritationem mitigent, in magnis dosibus atque continuo sumendam laudat Mathias 5). Burdach 6) cicutae herbae contra luem inveteratam, si totus jam organismus contagio et mercurii usu turbatus, et sensibilitas valde aucta sit, adhibendum esse suadet. Opium abuude sumi jubet Mathias 7), simul atque ulceræ latius serpent et dolor maximus sit; quod quidem salubrem ostendit vim, ut camphora, si organi irritabilitas, praecipue in systemate nervoso, quæ spasmi excitantur, aucta appareat. → Ferrum etiam ejusque preparata laudantur, magis vero seniori reconvalescentiae stadio accommodata sunt.

Indicatio tertia: respectus malorum localium. Ulcera in genitalibus et in aliis corporis locis, tumoresque inguinum aperti, primum, cum eximium sensititatis gradum habent, emollientibus optime curantur cataplasmatibus, & narcoticis herbis, cicta vel

5) l. c. 366.

6) l. c. B. III.

7) l. c. 348.

hyosciamo, paratis. His in formis et omnino initio morbi mercurialis, ubi status auctae totius organismi irritabilitatis praevaleat, methodum anti-phlogisticam, emissionem sanguinis et antimoniij praeparata adhiberi suadet Mathias; attamen haec remedia, ut mihi quidem videatur, tantum indicata esse possunt, ubi in constitutione robusta et plethorica, aliae, eodem tempore valentes res, inflammatorium magis effecerunt statum.

Si ulcera, magna sensibilitate doloribusque remissis, latius serpere minantur, remedia adstringentia accommodata sunt, fomenta ex decoctis cort. chinae et quercus, solutiones extracti nucum juglandum et liquaminis Myrrhae; quibuscum ligatura premens apte conjungitur, cujus utilitas tum nostra experientia, tum Mathiae 8) sententia probatur; — talem vero localitati ulceris aptam ligaturam applicaturus gravibus etiam aegroti doloribus non prohiberi debet, quominus eam confidere pergit. — Contra ulceræ cavi otis pari modo adhibentur aquae adstringentes, ori et fancibus eluendis, e decocto cort. Salicis cum tinctura Myrrhae, vel hb. cicutae cum aqua calcis; aut succis, penicillo applicandis, e Syropo Mororum cum acidō muriatico utimur; contra gingivam, facile sanguinem emittem, aquis, os purgantibus, spiritus cochleariae adjicitur; et Mathias solutionem commendat zinci sulphurici. — Contra exanthema mercuriale intus praeparata antimoniij et sulphuris adhibentur, nec minus decocta ligni gnajaci et stipit. dulcamararum, et balnea, praecipue sulphurea; — Oll. Alley in hydrargyria maligna lotiones frigidae

proponit. — In tumoribus et carie ossium praeter chinam etiam usus opii atque asae foetidae<sup>9)</sup>, ita ut guajaci et Sassa parilla<sup>10)</sup> intus laudatur.

Quod ad curatio nem hydrargyrosis secundum diversa stadia attinet, duorum priorum curandi ratione jam ex iis, quae supra diximus, perspici potest. In tertio stadio, ubi jam status hecticus accessit, cura praecipue eo difficultima sit, quod fere omnia hactenus nominata remedia ab aegroto propter magnam infirmitatem tolerari haud possunt; quamobrem nutrientem et facilem digestu cibum consumat necesse est; usua etiam tonicorum remediorum, in quo continue ad statum irritabilitatis et virium digestionis organorum respiciatur omnino necessarius erit. Inter acida mineralia maxime laudarim acidum phosphoricum; — in magna animi perturbatione et statu irritato opium aptissimum erit.

Diaeta inter morbum nutriens, roborans, et statui irritabilitatis cuiuscunque temporis accommodata esse debet, nutrimenta igitur laudantur: juta carnis elixae, decocta grae orum Sagu ac radicis Salep, ova mollia etc.; quotidianum potum ordinamus unum ex ante nominatis decoctis, vel sassa parillae vel guajaci cum parvo additamento acidi nitrici; inter coenam poculum vini eximi mi apponatur. — Nequaquam eandem, quam Wendtius<sup>11)</sup> sententiam sequi possum, qui curam per indeam in morbo mercuriali adhibere voluerit. Nam si infirmitatem partium solidarum et resolutionem humorum respicimus, itemque consideramus, di-

9) Annales instituti medico clinici Wirceburgensis redigit et observationibus illustravit J. N. Thomann, 1799. VI. 3.

10) Dyrely l. c.

11) l. c. 301.

aeta tenui diu continuata statum corporis effici posse, cuius phaenomena simillima sint in morbo nostro, haec jam talem curandi methodum satis prohibebunt. Et ill. Struve quidem, qui de curatione per medium plurima expertus est, eam dissuadet in morbis mercurialibus penitus insitis, ubi jam humorum dissolutio conspicit possit, quemadmodum in morbo, pag. 52. narrato, statim diaeta nutriendis adhibebatur, simulac malum esse mercuriale cognitum erat.

Praeter diaetam alentem aegroto vivendi rationem praescribimus, qua praecipue retardatio cutis functionis evitetur; usus vestimentorum, frigus arctuum et commoratio in temperatura aëris, aequaliter tepefacti, principales prosperae curae sunt conditio[n]es.

In reconvalescentia remedia jam ante efficacia technica, et inter haec ferrum, per longius tempus continuari debent; idem valet de balneis, quae sensim sensimque e calidis in frigida possunt mutari, donec tandem, recuperata sanitatem, calido anni tempore balnea marina adhiberi queant, quorum usum Wendtius et alii medici magnopere laudant. — Corpus gradatim aëri adsuetum et balneorum maritimorum usus morbum, tempestate haud opportuna facilime redeuntem et omni modo remanentem, ad affectiones rheumaticas inclinationem, impedit.

Quando, hydrargyrosi sublata, lues hucusque suppressa, nunc rursus apparet, novum mercurii usum poscit, hic summam circumspectionem et curam certamque vivendi rationem requirit, cum facilime fieri possit, ut corpus hoc metallo rursum male afficiatur; quamobrem mercurius cum remediis, cutis functionem adjuvantibus, cum opio, camphora, aut potionibus, e lignorum speciebus coctis, coniungetur necesse est. — Tum quoque, longioribus intervallis continua uinctio melior esse videtur, quam interius mercurii usus.